



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

IV. Episcopi Gallicani in his angustiis patrocinium regium implorarunt.  
Tuitionis regiæ pro custodia canonum nondum erat deleta memoria in  
tertia dynastia, ut probatur ex Ivone. Eam tuitionem à B. ...

**urn:nbn:de:hbz:466:1-15591**

cavendam esse generalem secessionem, si universa Ecclesia premeretur, subjunxit Legatus, super hac quidquid precepit, tali conditione licet tacita intellexisse, si Imperium & alia regna consentirent. Adjunxit se nihil amplius super hac attentaturum, donec per regna alia Prelati consenserint, quod creditur provenire non posse. Vnde patet in re nova constituenta per Gallias, consensum Regis, Episcoporum, & procerum exquisitum fuisse à Legato, eumque à rescripto exequendo abstinuisse, ob Clericorum totiusque regni dissensum, & ob scandali imminentis & secessione periculum.

II. Eodem animo tuendae libertatis canonice ferebatur Robertus Lincolniensis Episcopus in Anglia, vir singulari pietate conspicuus: qui non expectato synodali decreto, sibi liberum putavit præcepto cuidam Innocentij IV. de conferenda Præbenda in sua Ecclesia reniti; quia juri recepto contrarium erat. *Noverit*, inquit, *discretio vestra quid mandatis apostolicis affectione filiali devoe & reverenter obedio; tis quoque que mandatis apostolicis aduersantur, paternum Zelans honorem, adversor & obsto.* Ad utrumque enim teneorex divino mandato. Infrā: Propter hoc his que in predicta litera continentur, unicè, filialiter, & obedienter non obedio, contradico, rebello. Mox: Breviter autem recolligens dico, apostolice sedis sanctitas non potest nisi que in edificationem sunt, & non in destructionem. Hę autem quas vocant provisiones, non sunt in edificationem, sed in manifestissimam destructionem. Non igitur eas potest beata sedes apostolica acceptare; quia caro & sanguis, que regnum Dei non possidebunt, eas revelavit, & non Pater Domini nostri Iesu Christi qui est in celis. Nec omitendum est, clausulam illam solennem, quæ in omnibus rescriptis hodie inseritur, non obstante constitutione hac vel illa, jam tum usurpari cœpisse. quod agre ferebat Robertus Lincolniensis, eo quòd in statuentibus inconstantiam designaret, cùm tamen leges constantia quadam & perpetuitate vigeant, nisi necessitate cogente aliquando remittenda sint. De illius litera, inquit, & ei consilium longè latèque dispersarum superaccumulato Non obstante, nec ex legis naturalis observande necessitate inducto, scatet catastrophus inconstans. Si quis immodesta cuidam petulantiae verba Roberti adscribenda putet, isante omnia Theodorici Regis Italie sententiam perpendat apud Cagliodorum: *Pro equitate servanda, & nobis patimur contradici.* Et eodem sensu Regis Athalarici: *Rarum confidentiali genus est, interdum resistere contra vota Principis.*

III. Gallis eriam nostris ea mens erat, ut

non admissis Romanæ curiæ rescriptis, quæ Collatoribus jura per canones quæsita afferabant, se ab iis novitatibus expedirent. Sed tandem Romanis Pontificibus æquum visum est ut suæ commendationis ratio haberetur. Commendationem vocavi, quia olim Episcopis Clericos aliquando fedes apostolica commendabat tantum, ut concessio Diaconi & Presbyteri gradu, eorum inopiam sublevarent; exemplo Gregorij Magni, qui Syracusano & Fanensi Episcopis duos Clericos commendavit. Sed posteri commendationes & preces in præcepta reverterunt; & præceptis, quæ, ut vidimus, à Collatoribus repudiabantur, Executores adjunxerunt, qui Episcopos ad Collationem cogerent, ut rectè explicuit Duarenus, Coactionis illius initia referri possunt ad tempora Lucij III. ad quam invitatus fuit à Stephano Tornacensi, cuius hæc sunt verba de Herveo Clerico commendato Canonico S. Aniani Aurelianensis: *Scripsit pro eo* Stephanus Torpa *felicitis recordationis pater Alexander (III.) Decanu & Canonicis sancti Aniani Aurelianensis. Scripsitis & vos primò & secundo. Sed neque preces neque preceptum vestram, quamvis tres prebende vacarent, voluerant audire. Absit, Pater, ut inanes sint preces vestre, contemptibilis auctoritas, elusorium præceptum; & nunc demum tanta, si placet, virtute intonet super eos majestas vestra, ut qui blanditiis juvari non potuerant, imperio discant vinci.*

IV. Cùm ergo Collationes beneficiorum, imo & episcopatum, & monasteriorum, ad se traherent Romani Pontifices, resistentes si quid contra eorum rescripta ageretur, additis excommunicationibus in contumaces, nihil reliqui erat penes Episcopos Gallicanos quin adeo severis præceptis parerent & Collationum jure caderent. Quare ad remedium extraordinarium confluserunt, scilicet ad tuitionis regiæ præsidium, pietate Regis Ludovici X. interpellata, qui his morbis editio suo consuluit. Nondum enim oblitterata erat in Gallia, præ custodia canonum, Regum nostrorum auctoritas: quam ab Ivone commendatam sciebant anno Mxcvi. Consultus enim à Philippo Rege quid agendum esset, si post habita eo anno duo Concilia ab Urbano II. Nemausi & apud Clarummontem, Hugo Legatus apostolicæ sedis ad tertium Episcopos invitaret, (quod alienum erat à canonibus, qui duas synodos tantum celebrandas præscribunt) respondet Ivo se nihil rescivisse de consilio Legati. *Quod tamen si faceret, non esset hec apostolica institutio, vel ecclesiastica consuetudo. Quod si quis eos (id est, Episcopos) ultra terminos à patribus constitutos ang-* Ff ij

*Gregor. I. 1. ep. 141.  
I. 5. ep. 47.*

*Franc. Duarenus  
lib. 1. de fact. Eccl. ministr. cap. 8.*

*Stephanus Torpa  
cp. 109.*

*Vide lib. 6. cap.  
31. §. 7.*

*Ivo ep. 16.*

riare voluerit, vos habito cum eis communis consilio, in iustis oppressionibus pro persona vestra resistite; sic ut quae Dei sunt, Deo reddantur, & que Cesaris sunt, Caesaris reddere non omitiant. Quare potestatis hujus memores Episcopi Galliani, subsidium à Ludovico Rege expofunt: qui Edicto suo, ita enim vocat, omnia jura canonica de beneficiorum provisioribus decreta, quae tunc primū convellebantur, in integrum restituit; electiones, collationes, & ceteras dispositiones secundum juris communis & Conciliorum definitionem fieri jussit, & Romanæ curiæ electiones inhibuit. Huic gloriosissimo Regi prima debetur Libertatis Ecclesiæ Gallicanæ restitutio, quam suo edicto post mutaram disciplinam in beneficiorum collationibus anno M C C L X V I I I . procuravit. quo uno capite contentiones inter Episcopos & Romanam curiam tunc ferè continebantur.

*Statuimus & ordinamus ut Prelati regni nostri, Patronique, beneficiorum collatores, ius suum plenarium habeant, & unicuique sua jurisdictio servetur. Insuper Ecclesiæ cathedrales, & aliae regni nostri, liberas electiones habeant, & earum effectum integraliter prosequantur, promotionesque, collationes, provisiones, & dispositiones prælaturarum, dignitatum, & aliorum quo umcunque beneficiorum ecclesiasticorum regni nostri, secundum ordinationem & dispositionem juris communis, sacerorum Ecclesiæ Dei Conciliorum, atque institutorum sanctorum patrum, fieri volunt & ordinamus.*

V. Conscius erat sua potestatis Philippus I V . Rex Francorum, quando Clemens V. Pontificem sibi conjunctissimum serio monebat ut quae in Templariorum negotio agenda erant, Episcopis permitteret, nec forte demandaret aliis: quia hoc in gravem injuriam Episcoporum vergeret, à quibus ministerium ipsis à Deo creditum sine justa causa non debet auferri. ac præterea docet sibi liberum non esse ut ea æquo animo ferri possit, cùm sacramenti religione teneatur ad tuitionem jurium episcopaliū. Hic primus, ut opinor, jusjurandum prætendit ei officio probando quod ceteri Reges ad ministerium sibi à Deo commissum referabant. Ejus exemplo sequuntur deinde Principes Carolus V I . & V I I . sacramenti sui religiosam observationem edictis suis de restauranda disciplina ecclesiastica latis inservierunt. Hæc sunt manuscripti codicis

In Notis ad N. II. c. 12. T. 1. Liber Ecclesiæ Gall.

verba de Philippo VI. Gravis, quod ab sit, fieri injuria, si sine justa causa ministerium à Deo sibi traditum & defensionis fidei meritum auferretur ab eisdem (Episcopis); nec Prelati talēm injuriam meruerant, nec Rex salvo suo juramento posset hoc tolerare; estēque peccatum gravissi-

mum spernere eos quos Deus misit. Qui vos enim spernit, me spernit, ait Dominus. Quis ergo sacrilegus vobis, Pater sancte, presumet consulere quod vos eos spernatis, immo potius Iesum Christum mittentem.

V. Sanè non absurdâ est hujus sacramenti mentio; quod ea mente iisque verbis olim ita conceptum fuit, ut Reges tempore inaugurationis suæ, custodiā canonum subditis suis promitterent. Quod eò pertinebat, ut sponderent nec à se violandos canones, nec ab aliis. Extat illius sacramenti antiqua formula, quod Philippus I. patre Henrico Rege superstite ex illius auctoritate præstiti anno millesimo quinquagesimo nono. Ego Philippus Deo propitiante mox futurus Rex Francorum, in die ordinationis mea promitto coram Deo & sanctis ejus quod unicuique de vobis commissis (legendum, de vobis & Ecclesiæ vobis commissis) canonicum privilegium & debitam legem atque justitiam conservabo, & defensionem, quantum potero, adjuvante Domino exhibeo, sicut Rex in suo regno unicuique Episcopo & Ecclesiæ sibi commissæ per rectum exhibere debet, populo quoque nobis credito dispensationem legum in suo jure consistentem, nostra auctoritate concessurum. Hujus formulæ potiora verba transcripta sunt ex ea quam Hincmarus Remensis Archiepiscopus à se conceptam Ludovico Balbo Caroli Calvi filio porrexerat, cùm regnum Compendij susceptorus ungeretur anno D C C C L X V I I . Sponsio autem illa Ludovicus excerpta est à Capitulis quæ Carolus Calvus egdem anno apud Carisiacum statuerat. Quam quidem promissionem non sacramentum vocant proceres Gallicani, sed perdonationem: Est perdonatio quam dominatio vestra nobis fidelibus vestris perdonavit & subscripsit. Vnde Ladicus Balbus eodem verbo uititur in sponsione sua: Promitto & perdono vobis, id est, concedo & indulgeo. Ante illa tempora sponsio quidem à Regibus inaugurandis concipiebatur, sed aliis verborum solennibus, quamvis eadem significatione; ut pater ex repromissione quam Carolus Calvus præstít, cùm in urbe Metensi Lotharij regnum adipisceretur anno D C C C L X I X . Sciat me unicuique in suo ordine secundum sibi competentes, leges tam ecclesiasticas quam mundanas, legem & justitiam conservare. Quod etiam repetitum est in secundo capite conventus apud Carisiacum habiti. In eandem sententiam Reges Galliarum se deinceps usque ad hæc nostra tempora jurejurando adstrinxerunt, eti formulis diversis. More non absimili Constantinopolitani Imperatores, jam ab ipsius Anastasi temporibus, scripto, bæsi bæsanis, pollicebantur Patriarchæ fidei catholice

In Capitulo Isto  
Vici II. Tit.

Capitula Codd.  
Calvi apud Cal.  
Invenit Th. 1116.

Vide etiam Cap.  
Ecclesiæ  
& Ordinationis  
apud eadem  
apud Ferri. Th.  
11. &c. 19.

Capitula Codd.  
Calvi Th. 1116.

Vide etiam Cap.  
Ecclesiæ  
& Ordinationis  
apud eadem  
apud Ferri. Th.  
11. &c. 19.

Capitula Codd.  
Calvi Th. 1116.